

正法華經卷第二

木二

西晉三藏竺法護譯

應時品第三

於是賢者舍利弗聞佛說此欣然踊躍即起
義手白衆祐曰今聞大聖講斯法要心加歡
十二喜得未曾有所以者何常從佛聞說法化導
諸菩薩乘見餘開士聽承佛音德至真覺甚
自悼感獨不豫及心用惄惕所示現議所不
紹逮我已永失如來之慧假使徃返山林巖
藪曠野樹下閒居獨處若在宴室謹勑自守

一身經行益用愁毒深自惟言法號等入世
尊爲我現若干教而志小乘自我等咎非如
來也所講演法大聖等心爲開士歎思奉遵
者爲受第一如來訓典堪至無上正真之道
我等所順而被衣服所建立願不以頻數唯
然世尊鄙當爾時用自剋責晝夜寢念雖從
法生不得自在偏蒙聖恩得離惡趣今乃還
聞時舍利弗以頌讚曰

得聞佛乘一句之義超出本望怪未曾有
所當受獲非心口言覩大尊雄益懷喜歡

假使有人能造行者聞安住音以爲奇雅
諸塵勞垢鄙以蠲盡音聲之信亦悉永除
我本晝日設經行時若在樹下端坐一心
設在林藪山巖之中心自思惟如此行義
嗚呼自責弊惡之意因平等法而得無漏
不由三界順尊法居追悔過事以誠將來

音聲所聞達於十方吾以得見愍世俗者
一身獨已晝日經行又自剋責而內思惟
我每夙夜深自料計反側宛轉忖度已身
當問世尊如是之義鄙何所失當復所失
現在眼前於聖明日夙夜過去逝不休息
見餘菩薩而不可計世雄導師木二之所開化
彼等悉聞此佛音教爲諸群萌講演法力
衆好八十具足殊特種種積累不以瓔珞
根力脫門八部之音於平等法而自危削
諸佛之法有十八事如是之義我已永失

其法無想諸漏已盡普悉曉暢致微妙慧
觀若干種諸所祠祀歷外異學諸邪僞術
由是之故解佛音教觀已脫門即說滅度

一切得解 諸所見行 尋時開了 空無之法
由是自謂 已得滅度 今乃自知 非至泥洹
得覩諸佛 天中之天 時人中上 衆會圍繞
三十二相 光色巍巍 因斯覺了 至度無餘
我適聞說 除於衆熱 不以音聲 而得無爲
如我所知 正覺師子 諸天世人 之所奉事
則以力勢 恒住如斯 第一初聞 大聖之教
波旬時化 變爲佛形 無得爲魔 之所娆害
如因緣行 而引說 前無央數億 顯現垓限
善立彼岸 至道意海 得聞彼法 除諸狐疑

有百千佛 及姪之數 悉得覩見 衆滅度勝
如斯諸佛 所說經典 善權方便 隨順御之
假使有人 現究竟行 當來諸佛 衆億百千
善權方便 導御是黨 爲講說法 誘進泥洹
隨其體像 化以慧行 采而分別 次第所有
諸佛之法 所當教誨 尋即承聖 受轉法輪
世雄導師 現真雅訓 吾亦如是 依蒙其像
木二 彼諸魔衆 而不敢當 心未嘗懷 邪疑之礙
普興柔軟 深妙之道 以佛音聲 而得歡欣
今日所有 諸志猶豫 以棄沈吟 住於聖慧

我成如來無衆結網諸天世人以爲眷屬
今日得覩佛之道眼當勤助化於諸菩薩
佛告賢者舍利弗今吾班告天上世間沙門
梵志諸天人民阿須倫佛知舍利弗曾以供
養三十二千億佛而爲諸佛之所教化當成
無上正真之道吾身長夜亦開導汝以菩薩
義爾緣此故興在吾法如來威神之所建立
亦本願行念菩薩教未得滅度自謂滅度舍
利弗汝因本行欲得識念無央數佛則當受
斯正法華經一切佛護普爲聲聞分別說之

佛語舍利弗汝於來世無量無數不可計劫
供養億百千佛受正法教奉敬修行此方等
經具足衆行當得佛道號蓮華光如來至真
等正覺明行成爲善逝世間解無上士道法
御天人師其世界名離垢平等快樂威耀巍
巍諸行清淨所立安隱米穀豐賤人民繁熾
男女衆多具足周備瑠璃黃金以爲長繩連
綿路傍一切路邊有七寶樹八重交道行樹
枝葉華實常茂蓮華光正覺亦當承續說三
乘法而佛說法具足一劫所可演經示奇特

願劫名大寶嚴所以名曰大寶嚴者謂彼佛國諸菩薩衆諸菩薩衆有無央數不可思議無能限量唯有如來乃能知數菩薩大士在其佛土爲覺意寶行如蓮華無有新學久植德本淨修梵行而無年限親近如來常應佛

木二

慧具大神通悉存法要勇猛志強諸菩薩衆

具足如是無有缺減是故其劫名大寶嚴蓮華光佛當壽十二中劫不可計童子時也其國人民當壽八劫蓮華光如來過十二劫有菩薩名堅謙當授其決告諸比丘言此堅滿

大士吾滅度後當得無上正真道號度蓮華界如來正覺蓮華光佛滅度之後正法像法住二十中劫其佛世界如前佛土等無差特度蓮華界如來亦壽二十二中劫爾乃滅度佛滅度後其佛正法及像法住二十二中劫爾時世尊以偈頌曰

卿舍利弗於當來世得成爲佛顯如來尊號蓮華光普平等目教授開化衆庶億千奉事無數諸佛億載於彼修力多所興立所在勸化得爲十力便當成就上尊佛道

不可思議無央數劫劫當號名大寶莊嚴世界名曰爲離諸垢其蓮華光國土清淨以紺瑠璃遍敷爲地紫磨金繩連綿爲飾若干種樹皆七寶成其樹華實悉以黃金彼諸菩薩意皆堅強所造言行聖哲聰明善學佛道億百千垓是等來現最勝法教佛最後時無有陰蓋爲童子時無所慕樂棄離愛欲即出家去便得成就上尊佛道斯最勝尊則得自在其命當壽十二中劫法教當立盡于八劫彼命限量劫數如是

若大聖佛滅度之後當具足滿二十中劫爾時法住若干之數愍哀天上及世間人其佛正法滅盡之後像法當住二十中劫彼大聖明舍利流布男神女鬼供養最勝其世尊德亦當如是告舍利弗且當自度仁者國土嚴飾如是兩足之尊自然無倫爾時四部衆比丘比丘尼清信士清信女天龍鬼神健沓和阿須倫迦留羅真陀羅摩休勒聞佛世尊授舍利弗決當成無上正真之道心懷欣豫歡喜踊躍不能自勝各自脫身

衣以覆佛上時天帝釋梵忍跡天及餘無數
億千天子各各取衣供養世尊以天華香意
華大意華散于佛上諸天衣物悉在虛空羅
列而住天上妓樂自然而鳴天上大聲自然
雷震普雨天華咸共舉聲而皆歎曰今所聞

法自昔未有前波羅柰鹿苑之中始轉法輪
蓋不足言今佛世尊則復講說無上法輪時

諸天子以頌讚曰

於世所從比 今者轉法輪 爲男女講議
陰衰無隻起 彼第一暢說 十二展轉事

今導師所演 少能信樂者 從世雄大聖
面聞無數法 住始至于茲 未聆如斯典
大導師所說 我今代勸助 勇猛舍利弗
而乃得授決 爲歎本發意 所供養佛數
我當蒙及還 得佛世最上 已所造淨行
類數若干種 木二 奉過去諸佛 積善願獲佛道義
於是舍利弗白世尊曰我今無結狐疑已除
現在佛前得授予決爲無上正真道又曰大
聖斯千二百得自在者昔來豈不住學地乎
當來如是此佛教耶斯諸比丘頓止行門連

尚法律度老病死咨嗟泥洹是諸比丘無央
數千供養世尊學諸所學畏吾我懼三世毀
諸見衆邪行立滅度已懷此想得至道場初
未曾聞如是像法心每猶豫善哉世尊願說
要義使此比丘疑網悉除今四部衆意咸悵
恨當令坦然無餘結恨佛告舍利弗向者吾
不說斯法耶以若干種善權方便隨其因緣
而示現之如來至真等正覺所分別演皆爲
無上正真道故我所咨嗟皆當知之爲菩薩
也又舍利弗今吾引喻重解斯義有明慧者

當了此譬喻如郡國縣邑有大長者其年朽
邁坐起苦難富樂無極財寶無量有大屋宅
周匝寬博垣墻高廣其舍久故數百千人而
在其內唯有一門及監守者堂屋傾危梁柱
腐敗軒窓既多多積薪草時失大火從一面
起普燒屋宅長者有子若十二十欲出諸子
諸子放逸嬉戲飲食卒見火起各各馳走周
憚詰屈不知所出父而念曰今遭火變屋皆
然熾以何方便勉救吾子時父知子各所好
喜即爲陳設象馬車乘遊觀之具開示門閭

使出于外鼓作倡妓絕妙之樂戲笑相娛令濟火厄當賜衆乘象車馬車羊車妓車吾以嚴辦停在門外速疾走出出避火災自恣所欲從意所樂諸子聞父誨勅所賜象馬車乘音樂之屬各共精進廣設方計土塗水澆奔走得出長者見子安隱而出四面露坐心各踊躍不復恐懼各各自言願父賜我諸所見許若干種妓相娛樂具象馬車乘又舍利弗彼大長者等賜諸子七寶大車珠交露幔車甚高廣諸珍嚴莊所未曾有清淨香華瓔珞

校飾敷以繪褥氍毹綻衣被鮮白鑠如電光冠幘履屣世所希有若干童子各各擎持一種一色皆悉同等用賜諸子所以者何今此幼童皆是吾子寵敬等愛意無偏黨以故賜與平等大乘又舍利弗吾亦如是爲衆生父停儲庫藏滿無空缺如斯色像教化誘進愚示大乘諸子則尋獲斯大乘以爲奇珍得未曾有而乘遊行於意云何長者賜子珍寶大乘將無虛妄乎舍利弗白佛不也安住不也世尊其人至誠所以者何彼大長者救濟

諸子而不欲令遇斯火害隨其所樂許而賜
之適出之後各與大乘以故長者不爲虛妄
究竟諸子志操所趣故以方便令免患禍況
木二復貯蓄無量寶藏以一色類平等大乘賜子
不虛佛言善哉舍利弗誠如所云如來至真
等正覺超越十方無蹠衆冥解脫憂恐拔斷
根芽枝葉華實如來慧現法王神力爲世之
父善權方便攝持思義行平等大悲道心無
盡愍哀三界大火熾然黎庶不解故現世間
救濟衆生生老病死諸不可思議結縛之惱裂

壞所著脫姪怒癡誘導三乘漸漸勸示無上
正真平等之道適興于世覩諸群萌妄想財
業愛惜無厭因從情欲致無數苦於今現在
貪求汲汲後離救護便墮地獄餓鬼畜生燒
炙脯煮飢渴負重痛不可言正使生天及在
人間與不可會恩受別離憂惱難量一時離
苦歌舞戲笑不知恐畏無所忌難不自覺了
不肯思惟計其本末不求救護復見燒然三
界衆生勤苦之患吾當施立無極大安無數
百千不可思議諸佛正慧其有蕩逸迷惑欲

樂如來誘立道慧神足善權方便化現佛慧
使聞佛力力無所畏衆生難悟不肯尋受因
緣所縛未脫生老病死憂患未始得度三界
燒炙不了所歸何謂解佛慧者譬如長者立
強勇猛多力諸士救彼諸子使離火患方便
木二
誘之適出在外然後乃賜微妙奇特衆寶車
乘如是舍利弗如來正覺以力無畏建立衆
德善權方便修勇猛慧覩見三界熾然之宅
欲以救濟衆生諸難故現聲聞緣覺菩薩之
道以是三乘開化驅馳使棄愛欲教諸萌類

滅三界火姪怒癡縛色聲香味細滑之法三
處五欲五欲燒人不倚三界便得三乘勤精
進三乘則超三界進三乘者諸佛所訓也黎
庶則至無央數集世尊現戲行爲娛樂修此
根力覺意禪定脫門三昧正受然於後世致
大法樂安隱欣豫無所罣礙又舍利弗其有
衆生未興起者如來出世有信樂者樂佛法
教精進奉行最後竟時欲取滅度謂聲聞乘
遵求羅漢爭出三界譬如長者勉濟子難許
以羊車若復有人無有師法自從意出求至

寂然欲獨滅度覺諸因緣於如來法而行精進謂緣覺乘出之火宅許以馬車假使有人求諸通慧諸佛道慧自在聖慧自從心出無師主慧多所哀念多所安隱諸天人民欲利天上世間人民滅度黎庶於如來法奉修精進欲求大聖普見之慧力無所畏謂如來道菩薩大士所履乘也譬如長者勸誘其子免火患難許以象車驅出火宅父見子安濟難無懼自察家中財寶無量等賜諸子高大殊妙七寶大乘如來正覺亦復如是覩無數衆

億百千垓使度三難勤苦怖懼從其所願開生死門遂令脫出難嶮恐患使滅度安又舍利弗如來爾時從終始宅以無數慧力無所畏觀眾罪厄矜哀喻子普勸進使歸於佛滅不令各各從意而滅度也如來悉誘以佛滅度而滅度之假使衆生得度三界以如來慧脫門定意賢聖度門安慰歡娛施樂法義惠木二以一貌佛之大道如彼長者本許諸子以三品乘適見勉難各賜一類平等大乘誠諦不虛各得踊躍無有慍恨如來如是本現三乘

然後皆化使入大乘不爲虛妄所以者何當知如來等覺有無央數倉庫帑藏以得自在爲諸黎庶現大法化諸通愍慧當作是知當解此義如來等正覺善權方便以慧行音唯說一乘謂佛乘也世尊頌曰

譬如長者而有大宅極甚朽故腐敗傾危有大殿舍而欲頓壞梁柱棟皆復摧折多有軒闔及諸牕牖又有倉庫以泥塗木高峻垣牆壁障崩墮薄所覆苦彌久彫落時有諸人五百之衆皆共止頓於彼舍宅

有無央數草木積聚所當用者滿穢無量一切門戶時皆閉塞有諸樓閣及衆蓮華億千衆香而有芬氣若干種鳥眷屬圍繞種種虺蛇蝮蛇通竄在在處處有諸惡蟲有若干種痏狸鼴鼠其字各異嗚呼湫室其地處處而有匿藏溷廁屎溺汙穢流溢蟲鳥刺棘充滿其中師子狐狸各各嗥吠悉共咀嚼死人屍骸何人聞見而不怖懼無數狗大蹲伏窠窟各各圍繞皆共據掣假使此等飢餓之時普皆諍食疲瘦羸劣

鬪相齧齧 音聲暢逸 其舍恐畏 變狀如是
有諸鬼神 志懷毒害 蠅蚤壁虱 亦甚衆多
百足種種 及諸魍魎 四面周帀 產生孚乳
各取分食 羯羖羝羊 不得奔走 歸其處所
雖諸鬼神 來擁護之 不能濟脫 令不被害
彼諸鬼神 亦食衆生 雖得飽滿 心續懷惡
群品不同 種姓別異 若有死者 皆埋塚壤
彼志出外 而遊所處 榍桓香音 志存暴弊
舒展兩臂 往來經行 無有呪術 可以辟除
於時諸犬 取其兩足 撲令仰卧 而就繫之

捉其兩脚 紋加頸項 坐自放恣 心意蕩逸
諸黑象衆 廢狀高大 體力強盛 跛扈自在
旬日飢餓 行求飲食 遙見芻蕘 奔走趣之
有鍼嘴蟲 及鐵喙鳥 在丘塘間 見人死屍
惡鬼凶嶮 放髮叫呼 諸魅濟滿 貪欲慢翰
窓牖顯明 視瞻四顧 於斯闢看 不可得常
諸邪妖魅 及衆餓鬼 騞鷙鷗梟 悉行求食
其宅恐難 如是品類 有大園觀 壁墻隕落
室宅門戶 地裂破坼 唯一男子 而守護之
其人在裏 止頓居時 爾時失火 尋燒屋宇

周迴四面而皆燔燒無數千人驚怖啼哭
於今火盛焚我子息又彼尊者舉聲稱然
堂柱摧滅垣屏碎散諸神餓鬼揚聲喜喚
鶻鷺數百飛欲避火無數鳩桓勁勦懷懷
百千妖魅惶惶馳走親自目見火所焚燒
木二

無量群萌烏燼灰燼諸薄祜者爲火所災
各各懊惱而見焚燒炙燎焦爛沸血流離
於時彼宅強猛之衆一一鬼魅悉共噉食
臭烟縫焯稱讚香美一切奔驚周旋詰屈
蜈蚣蚰蜒蟻蟻並出獸魅勇逸多所咀齧

頭上火然遊行嬉怡悉飢食嘵火所燒者
其屋宅中怖惶若茲百千人衆燒喪狼藉
於時宅主大勢長者見之如斯急急趨務
聞此災禍懲念諸子建立妓樂寶乘誘出
有諸愚癡不能解知於彼戲笑放逸自恣
長者聽察尋入館內駢夫不覺無解脫想
今我諸子閭蔽閉塞一切盲瞶無有耳目
以戲樂故而自繫縛種姓孫息甚難得值
凡品衆庶若干等倫遭大火災各各痛惱
鬼神蛇虺心中懷毒無數妖魅歡喜踊躍

諸狼狽狗亦不可計 飢渴欲求飲食之具
我子衆多皆沒于此 設無火災亦不可樂
狐疑衆結酷苦若是 何況周市普見熾然
執愚意者於斯自恣諸子貪戲而相娛樂
永不思惟父所言教心不自念速畜方計
木一爾時長者意自忖度吾生此子勤苦養育
得無爲火而見燒燬於何救子而脫孫息
即自思議立造權計今我諸子耽湎音妓
禍害垂至非戲樂時痛哉愚憒不覩酷苦
諸童殷懼不識此難今吾心怖子樂逸蕩

安從精進免濟火燔即尋設計於舍之外
施張妓樂遊戲之具子所好慕吾皆辦之
調隱音節一時俱作諸子聞斯貪愛樂音
各各速疾盡力勸勵驅逐一切逃出災屋
得脫苦難集于一處安隱歡然無復恐懼
於是長者見諸子出心中寬泰意得自由
廣設衆具師子之座吾身今日則獲無爲
彼諸苦患已永盡除斯諸童子修精進力
迷在火宅而自放恣前者曾更無限眠寐
火焰然熾人遭此難陰蓋所覆心不開解

今日一切皆得解脫已致自然志之所願
父見諸子志在安隱於時諸子往詣長者
唯願天父各各賜我如前所許若干種乘
本居遇火迷冥不悟大人勑教一切奉承
當賜諸子三品之乘今正是時願垂給與
於時長者勅侍開藏紫磨天金明月珠寶
上妙珍異世所希有極好奇特弘雅之車
最尊難及莊校嚴飾周巾欄楯珠璣瓔珞
幢旛縉采而爲光觀金銀交露覆蓋其上
燁暉殖立珍寶諸華四面周巾而皆下垂

車上重疊敷諸坐具天繒白氈而不可計
又復加施柔軟裯褥無量紵綻參席于車
計所校飾車價億千奇異珍寶無量兆載
其象多力鮮白如華象身高大儀體優馴
調駕寶車以爲大乘於時長者嚴車已辨
木二各以賜與諸正士儔皆是我子一切等給
是時諸子歡喜踊躍各各處處欣慶相娛
十四告舍利弗大仙如是爲諸群生救護父母
一切衆庶皆是我子爲三界欲所見纏縛
計惟三處如彼火宅勤苦患惱具足百千

此則所謂普然無餘生老病死憂哭之痛
佛爲三界救度元導遊在閒居若坐林樹
則常應時將護三處彼見燒炙斯皆吾子
寤諸黎庶令得自歸由此意故示現于彼
一切黎元愚不受教坐著愛欲而自繫紲
善權方便爲大良藥分別三乘以示衆生
適間三界無量瑕穢則以隨時驅勸令出
其諸菩薩來依倚佛六通三達成大聖慧
或有得成爲緣覺乘逮不退轉致佛尊道
現在諸子因佛自由以是譬喻無有瞋恨

緣是得近於佛道乘受斯一切得爲最勝
於是恢闡平等之信降伏棄離一切世色
諸正覺慧殊異道德稽首歸命於兩足尊
根力脫門一心如是三昧之定億數千垓
諸佛之子常所宗重斯則名曰尊妙大乘
畫則誓願志存降魔夜恒專精欽慕不倦
於一年歲若歷劫數度脫衆生無數千垓
所喻寶乘則謂于斯以是遊至於佛道場
無數佛子以爲娛樂其有聽者安住弟子
告舍利弗卿當知是計有一乘則無有二

往至十方 一切求索 知人中上 普行善權
稍稍誘進 從微至大 先現聲聞 緣覺之證
適德三界 欲捨之去 然後便示 菩薩大道
佛恩普潤 譬如良田 隨其所種 各得其類
種者所植 非地增減 佛亦如是 一切普等
常示大道 取者增減 佛則於彼諸仁者父
我常觀省 衆庶苦惱 無數億劫 而見燒煮
三界之中 恐畏之難 佛爲唱導 使得滅度
諸賢無爲 今日乃知 糜捐生死 脫勤苦患
其有菩薩 住於是者 至誠之決 取譬若斯

一切普聞 佛之明日 諸大導師 行權方便
所當勸助 如諸菩薩 珪穢愛欲 亦可惡狀
心闇塞者 而見汙染 是故導師 爲說勤苦
現四聖諦 當分別此 假使衆人 不解衆惱
根著冥塵 不肯捨離 故爲是等 而示其路
因緣所習 而致諸苦 愛欲以斷 常無所著
已得滅度 於斯三品 了無有異 則得解脫
若修八路 便得超度 告舍利弗 何所爲度
受無所有 則爲解脫 彼亦不爲 一切解脫
無所滅度 便見導師 佛何以故 而說解脫

無有逮者乃成佛道當得如我爲聖法王以安隱義現出于世告舍利弗是吾法印是佛最後微妙善說愍傷諸天及於世間在所遊處常能獨行假使有人講說是典若有勸助代歡喜者聞其妙法當奉持之爲悉供養過去諸佛奉持此法至不退轉木二十六假使有人信樂斯經徃古以見過去導師亦悉奉順諸聖至尊加得遠聞如是典謨皆復曾見吾之儀容又亦觀察我比丘衆常觀觀視今現菩薩信斯典者德亦如是

一切皆瞻是諸菩薩其信此經則亦如是頑駛闇夫不肯篤信若說此經謂得神通諸聲聞黨非其所遠緣覺之乘亦不能了今我所有諸聲聞衆舍利弗身堅固信之仁輩如是信大法典現在悉盡不著因縛假使不應斯經卷者則爲謗訕佛天中天閣冥輩類常志愛欲未曾解了無所生法又其毀謗善權方便世間所有佛常明日其聞佛說講此罪福志不歡樂顏色爲變我今現在及滅度後若有誹謗如是典比

不使比丘書寫斯經 佛說罪緣 皆宜普聽
沒失人身墮無擇獄 處於其中 具足一劫
又無央數過是之限 若罪竟已 常在癡冥
假令得出於地獄中 便當墮畜禽獸畜生
爲狗麁狐 其形憔悴 木 當入人宅 或復見害
設有憎惡佛經典者 其色變黑 黯黓如墨
罪之所爲 顏常若漆 身體羸瘦 面無潤澤
爲諸品類所見賤穢 瓦石打擲 啼哭淚出
其人常被 摃撻榜笞 飢渴虛乏 軀形瘦燥
當墮畜生 駱駝驢騾 常負重擔 而得捶杖

心中懊惱 厥求芻草謗佛斯經 獲罪若此
雖得爲人身疽癟瘡 狀貌矬陋 肌色傷爛
假使行人縣邑聚落 童子輕易 戲弄杖蹠
其愚駢子 若後壽終 即當墮生邊夷狄處
當爲舍血 蠕動之類 或爲聾啞 不得自在
假使誹謗此經獲罪 常多疾病 體生瘡蟲
無數之命 咬食其軀 心常憂痠 痛不離已
告舍利弗 不信此經 彼男子者 無黠無明
所在慳貪 性常嚙折 生盲無目 人所棄捐
人坐不信 於佛大道 口中常臭 惡氣外熏

鬼神狀魅詳觸燒之普世俗人無用言者
假使不樂斯道地者所在窮乏常當貧匱
身未常得著好被服財業雖豐不敢飲食
有所造作當所爲者假使欲求安隱之具
設有所得尋復忘失興發惡行果報如此
假使呼醫合諸方藥善知方便而療治之
有不除差反轉增劇恒被疾病不得所便
設復發竟興立餘事則遭擾擾十八聞諍之業
又見毀辱而被楚撻彼犯律者當遇此患
若有誹謗斯經之罪未曾得見世雄導師

人中帝王佛之法教卒暴墜鬼阿須倫神
恒當羅殃耳聾閉塞愚癡駭蹠不得聞經
設有誹謗斯經典者然於後世永無所見
假使毀皆斯經罪果殃無數億百千之計
若干劫如江河沙常當瘡痘口不能言
佛所立道常師子吼毀者地獄十九以爲遊觀
勤苦惡趣用作居宅已所犯罪致殃如斯
又多疾患自速瘡痘若在世間當獲此咎
坐在衆會兩舌欺言命欲盡時舉賈生息
其身恒遭若干苦痛無央數億百千衆患

願貌常黑人所不喜殃暴疽癟常有臭氣
自見吾我顏色黧黯瞋恚懷毒怒害滋甚
情欲熾盛無有節限有所好忤若如畜生
告舍利弗今日世尊具足一劫說其人罪
若有誹謗斯佛經者欲計殃限不可究竟
見是義已當觀察之今我故爲舍利弗說
不爲愚駢不解道者分別論講如斯像法
其有聰明廣博多聞秉志堅強常修憶辯
若有勸發遵尚佛道爾乃聽受未曾有法
則已覩見億百千佛植無央數如意功德

其人志性猛如月光爾乃聽受如是典籍
若有精進志常懷慈常於夙夜照曜悲哀
捐棄軀體不惜壽命爾乃聽受於斯經卷
常行恭敬無他想冒其心專一不立愚泰
恒處曠野若隱巖居彼等仁人爾乃聽受
結親善友常相恃怙棄捐遠離諸惡知識
常得逮見如是佛子乃能值遇若斯言教
不犯禁戒如寶明珠志習奉受方等諸經
當見如茲佛聖子孫常專精此一品經卷
設有罵詈毀辱經者恒以愍哀向于衆生

常志恭敬 承安住教 今故爲之 說是經法
其在衆會 詩斯經者 心常如應 得無合會
引無央數 億載譬喻 故爲是倫 而見斯典
又佛今日 講解道品 所至到處 踊躍而步
假使比丘 欲求善說 若見此經 當欣頂受
其有奉持 方等經者 心常專精 不樂餘業
執持一頌 志不改易 乃得聽受 如是弘模
假使有人 慕求斯經 當崇敬之 如如來身
若人思僥 欲學此法 設令得者 當稽首受
其人不當 念索餘經 亦未曾想 世之群籍

正法華經卷第二

音釋

惄惁 惄惁 惄惁 惄惁 惄惁
惄惁之藥切痛也

惄惁 惄惁 惄惁 惄惁 惄惁
惄惁他的功德也

惄惁 惄惁 惄惁 惄惁 惄惁
度度徒落切量也

惄惁 惄惁 惄惁 惄惁 惄惁
惄惁乃了切

惄惁 惄惁 惄惁 惄惁 惄惁
惄惁也

而行佛道 志在根力 悉捨離之 講專斯經
告舍利弗 佛滿一劫 舉喻億千 分別解說
設有願發 上尊佛道 當以斯經 宣暢布散

